



# ხელშეკრულება № 2019/ 38

## სამეცნიერო - ტექნიკური პროდუქციის გადაცემაზე

ერთის მხრივ ა(ა)იპ საქართველოს ბიბლიოთეკების ინტეგრირებული საინფორმაციო ქსელის კონსორციუმი 2017 (წოდებული შემდგომში „შემსრულებლად“), მისი ხელმძღვანელის ირაკლი ღარიბაშვილის სახით და მეორეს მხრივ შპს „მართვისა და კომუნიკაციის საერთაშორისო სასწავლო უნივერსიტეტი „ალტერბრიჯი“ (შემდგომში - „სასწავლო უნივერსიტეტი“), წარმოდგენილი მისი რექტორის, ნათია გოცაძის სახით დებენ წინამდებარე ხელშეკრულებას, შემდეგზე:

### 1. ხელშეკრულების საგანი

- 1.1 შემსრულებელი არეგისტრირებს დამკვეთს პროექტ "ელექტრონული ინფორმაცია ბიბლიოთეკებისათვის" მონაწილეთა კონსორციუმის წევრად და აძლევს მას საინფორმაციო საშუალებათა გამოყენების უფლებას (იხ 1.2),
- 1.2 დამკვეთს ეძლევა უფლება მიიღოს მონაწილეობა პროექტში "ელექტრონულ ინფორმაცია ბიბლიოთეკებისათვის - eIFL", კერძოდ გამოიყენოს შემდეგი ელექტრონული რესურსები:

Cambridge Journals Online (<https://www.cambridge.org/core>)

e-Duke Journals Scholarly Collection (<https://read.dukeupress.edu/>)

Edward Elgar Publishing Journals and Development Studies e-books (<https://www.elgaronline.com/>)

IMechE Journals (<https://uk.sagepub.com/en-gb/eur/IMEchE>)

Openedition Journals (<https://www.openedition.org/>)

Royal Society Journals Collection (<https://royalsociety.org/journals/>)

SAGE Journals (<https://journals.sagepub.com>)

SAGE APCs for Open Access Journals (<https://uk.sagepub.com/en-gb/eur/pure-gold-open-access-journals-at-sage>)

- 1.3 შემსრულებელი იძლევა საინფორმაციო საშუალებების გამოყენების უფლებას, ამ უფლების მესამე პირთათვის გადაცემის უფლების გარეშე, იმ პირობების გათვალისწინებით, რომელიც წამოყენებულია წინამდებარე ხელშეკრულებაში.

### 2. მხარეთა პასუხისმგებლობა

- 2.1 შემსრულებელი, როგორც შუამავალი, გადასცემს დამკვეთს ხელშეკრულების საგანში დასახელებულ საინფორმაციო რესურსების გამოყენების უფლებას იმ სახით, როგორც იგი მას მიიღებს მომწოდებლისაგან, დამატებითი შეზღუდვების გარეშე.
- 2.2 დამკვეთს არ გადაეცემა საინფორმაციო რესურსებზე საავტორო უფლება.
- 2.3 შემსრულებელი პასუხისმგებელია ხელშეკრულების საგანში მოყვანილი საინფორმაციო რესურსების გამოყენებისას დამკვეთს გაუწიოს შემდეგი სახის დახმარება:
  - დამკვეთის სახელით ურთიერთობა მომწოდებელთან (მათ შორის ფინანსური ანგარიშსწორება),



- ტექნიკური პრობლემების გადაწყვეტა და კონსულტაციები,
- სათანადო ლიცენზიების მოპოვება მომწოდებლებისაგან და მათთან ხელშეკრულების გაგრძელება შემდგომი წლებისათვის. დამკვეთის უფლებების დაცვა,
- ტრეინინგი / სწავლება,
- პროექტის ხარჯების დასაფარად დამატებითი ფინანსური სახსრების მოზიდვა სხვა წყაროებიდან (ფონდები, სპონსორები, დახმარებები და სხვა).

2.3. შემსრულებელი არ არის პასუხისმგებელი სხვა ორგანიზაციების მიერ მისთვის მოწოდებული საინფორმაციო რესურსების შიგთავსზე და იმ საკითხებზე, რომლებიც შეეხება დამკვეთის ურთიერთობებს იმავე ან სხვა მომწოდებლებთან წინამდებარე ხელშეკრულების საგნის გარეთ.

2.4. საინფორმაციო რესურსების მიწოდების ფორმისა და პირობების სიმრავლის შემთხვევაში დამკვეთს აქვს უფლება აირჩიოს მათგან მისთვის ხელსაყრელი.

2.5. დამკვეთი ვალდებულია არ დაუშვას ხელშეკრულებით მიღებული მასალების ან ასლების და კონფიდენციალური ინფორმაციის (სარეგისტრაციო კოდი, პაროლი, და სხვა) გადაცემა მესამე ორგანიზაციებისა და პირებისათვის.

2.6. მონაცემთა ბაზების გამოყენების უფლება ენიჭება დამკვეთის ყველა თანამშრომელს, ქვეგანყოფილებას, მკითხველებს, სტუდენტებს, ისე რომ დაცული იქნეს მათი გამოყენება იმ პირებისა თუ ორგანიზაციების მიერ, რომლებზეც არ ვრცელდება წინამდებარე ხელშეკრულება.

2.7. დამკვეთის მხრიდან ხელშეკრულების ვადამდელი გაუქმების ან დარღვევის შემთხვევაში საწევრო გადასახადი დარჩება შემსრულებლის საკუთრებაში.

### 3. საწევრო გადასახადები

- 3.1. დამკვეთი, როგორც კონსორციუმის წევრი, ვალდებულია ხელშეკრულების გაფორმებიდან ერთი თვის ვადაში გადაიხადოს ყოველწლიური საწევრო გადასახადი, რომლითაც ანაზღაურდება პროექტის ღირებულება კონსორციუმის საბანკო ანგარიშზე თანხის ჩარიცხვის გზით.
- 3.2. 2019 წლისათვის წლის მომსახურების საფასური (შერჩეული რესურსების შესაბამისად) შეადგენს 1200 (ათას ორასი) ლარს.

### 4. ფორს-მაჟორი ანუ გაუთვალისწინებელი საკითხები

- 4.1. ხელმომწერი მხარე ამ ხელშეკრულების პირობების შესრულებისაგან თავისუფლდება ნაწილობრივ ან მთლიანად, თუ შეუსრულებლობა განპირობებული იყო გადაულახავი დაბრკოლებით (მიწისძვრა, წყალდიდობა, ხანძარი, დესტაბილიზაცია სახელმწიფოში), რასაც ხელშეკრულების დადების მომენტში ხელმომწერი მხარე ვერ გაითვალისწინებდა მის ხელთ არსებული საშუალებებით.
- 4.2. ხელმომწერი მხარე ან მისი კანონიერი მემკვიდრე (მეურვე), რომელიც გადაულახავი დაბრკოლების პირობებს იმოწმებს, მოვალეა დაუყოვნებლივ აცნობოს ეს მეორე მხარეს წერილობით. თუ ხელმომწერი მხარე შესაბამის შეტყობინებას არ გაუგზავნის ან დააგვიანებს, იგი მოვალეა მიყენებული ზარალი აუნაზღაუროს მეორე მხარეს.

### 5. ხელშეკრულების განსაკუთრებული პირობები

- 5.1. ეს ხელშეკრულება შეიძლება გაუქმდეს ან შეიცვალოს მხარეთა თანხმობით.



- 5.2. ელექტრონული რესურსების შიგთავსის (მაგ. ჟურნალების ან მონაცემთა ბაზების რაოდენობის) მნიშვნელოვანი ცვლილებების შემთხვევაში დაიდება ახალი ხელშეკრულება.
- 5.2. სადავო საკითხების გადაწყვეტისას მხარეები ეცდებიან მიაღწიონ ურთიერთშეთანხმებას კომპრომისების გზით.
- 5.3. ხელშეკრულება ძალაში შედის ორივე მხარის მიერ ხელშეკრულებაზე ხელმოწერის და შესაბამისი სახაზინო სამსახურის ვიზირების დღიდან.
- 5.4. ერთი მხარის მიერ ხელშეკრულების პირობების დარღვევის შემთხვევაში მეორე მხარე იტოვებს უფლებას გააუქმოს ხელშეკრულება.

## 6. ხელშეკრულების მოქმედების ვადა და მხარეთა იურიდიული მისამართები

- 6.1 მხარეთა მიერ მომსახურების გაწევა ხდება ხელშეკრულების გაფორმებისთანავე და მოქმედებს 2019 წლის 31 დეკემბრამდე, ხოლო ხელშეკრულების მოქმედების ვადაა 2020 წლის 31 იანვრამდე.
- 6.2 ხელშეკრულების ცვლილების ან გააუქმების შესახებ მეორე მხარეს წერილობით უნდა ეცნობოს არანაკლებ 1 თვით ადრე.

აიიპ საქართველოს ბიბლიოთეკების  
ინტეგრირებული საინფორმაციო ქსელის  
კონსორციუმი 2017  
საქართველო, ქ. თბილისი, ძველი  
თბილისის რაიონი, ვასილ პეტრიაშვილის  
ქ., N 20, ბინა N6 ტელ:  
საიდენტიფიკაციო კოდი: 404533251  
საბანკო რეკვიზიტები:  
თიბისი ბანკის ცენტრალური ფილიალი,  
კოდი : TBCBGE22  
ანგარიშსწორების ანგარიში:  
GE32TB7275336080100012  
ხელმძღვანელი:  
ირაკლი ღარიბაშვილი

მართვისა და კომუნიკაციის  
საერთაშორისო სასწავლო უნივერსიტეტი  
„ალტერბრიჯი“

საიდენტიფიკაციო კოდი:  
(ს.კ405284473)

რექტორი

ნათია გოცაძე

(ხელმოწერა)

(თარიღი)

15.03.2019 წელი

